

2022KO UZTAILAREN 20KO OSOKO BILKURAKO AKTA.

Tokia: Berako Herriko Etxea.
Eguna: 2022-07-20.
Hasiera ordua: 19:30.
Bilkura mota: ohikoa, 1. deia.

BERTARATUAK:

EH BILDU

Jose Esteban Aguirre Zubieta
Maialen Chantre Irazoki
Patxi Castillo Graciarena
Ines Rosario Matxiarena Aldalur
HERRIRAKO
German Castillo Lazcanotegui
Raquel Quiroga Tapia

EZ EGOTE JUSTIFIKATUAK:

Estibaliz Pinacho Olaciregui
Jose Antonio Oyarzabal Iribas

ALDEZ AURRETIK JUSTIFIKATU GABEKO EZ EGOTEAK:

Julen Errandonea Martin

ALKATEA (Bilkurako buru):

Aitor Elexpuru Egaña

IDAZKARIA: Miguel Jose Belarra Tellechea, ekintzaren akta jasotzen du.

EZTABAIDATUTAKO GAIK (behar bezala egindako deialdiaren Gai Zerrendan sartu zirenak):

1. AURREKO BILKURAKO AKTAREN ONARPENA.

Alkateak galdetu du zinegotziren batek oharren bat egin nahi ote dion deialdiarekin batera banatu zen aurreko bilkurako aktari (2022-06-15). Inork ez du azalpenik egin eta **aho batez** onartu da akta.

2. LAN-BATZORDEEN OSAERA ETA UDALAREN ORDEZKARIAK KIDE ANITZEKO ORGANOETAN ALDATZEA.

Udalbatzan izandako aldaketen ondorioz (udalkideen dimisioa eta kide berriak karguaz jabetzea), alkateak azaldu du kide anitzeko organo batzuetan udalbatzaren ordezkari berriak izateko proposamena, eta proposatu du zinegotzi berria sartzea 2019ko ekainaren 26ko osoko bilkuran sortutako lan-batzorde batzuetan (2022ko apirilaren 27ko bilkuran aldatuak). Jarraian, honako erabaki hau hartu dute:

Udalak duen autoantolaketa ahalmena kontuan izanda, **aho batez ERABAKI DA:**

1. Ines R. Matxiarena Aldalur izendatzea Euskara eta Gizarte Gaietako lan-batzordeetako kide.

2. Ines R. Matxiarena Aldalur izendatzea udalaren ordezkari (ordezkoa) UEMAn, Josu Iratzoki Agirrereren ordez.

3. Patxi Castillo Graciarena izendatzea udalaren ordezkari Musika Eskolan, M. Aranzazu Zubieta Ochotecoren ordez.

4. Ines R. Matxiarena Aldalur izendatzea udalaren ordezkari Ricardo Baroja ikastetxe publikoan, Estibaliz Pinacho Olacireguiren ordez.

3. 2022/12 ZENBAKIKO AURREKONTU-ALDAKETA: DIRU-SARREREN BITARTEZ KREDITUAK SORTZEA (HORNIDURA ZALAIN-FORU PLAZA).

Alkateak espedientea eta idazkariak prozedura azaldu ondoren, erabaki hau hartu da:

Ikusirik:

- Kontu-hartzaileak 2022ko uztailaren 18an egindako txostena. Horren arabera, beharrezkoa da aurrekontua aldatzeko espedientea izapidetzea kredituak sortzeko Udalak jaso duen dirulaguntza honengatik: Toki Administrazioiko eta Despopulazioko zuzendari nagusiaren 111E/2022 ebazpena, uztailaren 1ekoa, 20.000 biztanletik beherako Nafarroako udalerrien sareetako hornidura hobetzeko eta galerak murrizteko dirulaguntzen deialdia ebazten duena.

- Ondoko hau dela kreditua behar duen aurrekontu aplikazioa:
1-1612-60901. Zalaingo biltegitik Foru plazarako ur-hornidurako sarea. 170.208,71 €.

Zenbateko osoa, 170.208,71 €.

- Gastua ondoko diru-sarrera kontu-sailarekin finantzatu dela:
1-7508011. Dirulaguntza Zalaingo biltegitik Foru plazarako ur-hornidurako sarea. 170.208,71 €.

Zenbateko osoa, 170.208,71 €.

Nafarroako Toki Ogasunei buruzko 2/1995 Foru Legearen 218.2 artikuluari, indarrean dagoen Aurrekontuko 13. Exekuzio Oinarriari, eta aurrekontuen eta herri gastuaren arloan 2/1995 Foru Legea garatzen duen 270/1998 Foru Dekretuaren 33.2 artikuluari jarraikiz,

aho batez ERABAKI DA diru-sarrerren bitartez kredituak sortzeko espedientea onestea (2022/12). Aurrekontu-aldaketak indarra hartzen du erabaki honekin.

4. 2022/13 ZENBAKIKO AURREKONTU-ALDAKETA: KREDITU-GEHIGARRIA (HORNIDURA ZALAIN-FORU PLAZA). HASIERAKO ONESPENA.

Alkateak espedientea eta idazkariak prozedura azaldu ondoren, erabaki hau hartu da:

Ikusirik:

- Udalak Zalaingo biltegitik Foru plazaraino doan ur-hornidurako sarea berritzeko asmoa duela.

- Martxoaren 14ko 62/2022 Alkatetzaren Ebazpenaren bidez onetsi zela 2021eko Aurrekontuaren likidazioa.

- Kontu-hartzaileak 2022ko uztailaren 20an egindako txostenak adierazten duela aurrekontua aldatzeko espedientea izapidetu behar dela, kreditu-gehigarria, inbertsioak egin ahal izateko. Aipatzen du ondoko hau dela gehigarria behar duen gastu-partida:

1-1612-60901. Zalaingo biltegitik Foru plazarako ur-hornidurako sarea. 258.413,06 €.

Zenbatekoa, guztira: 258.413,06 €.

- Txosten horretan proposatzen dela gastu orokorretarako diruzaintzako gerakina den 1-87000 partidaren kargura finantzatzea, 258.413,06 euroko zenbatekoan.

Nafarroako Toki Ogasunei buruzko 2/1995 Foru Legearen 202., 213. eta 214. artikuluei eta indarrean dagoen Aurrekontuko 9. Exekuzio Oinarriari jarraikiz,

aho batez ERABAKI DA:

1. Hasierako onespina ematea 2022/13 zenbakia duen aipatu aurrekontu-aldaketari (kreditu-gehigarria).

2. Jendaurrean jartzea espedientea 15 eguneko aldi, udal iragarki taulan iragarrita, nahi duenak aztertu eta erreklamazioak aurkez ditzan.

3. Ohartaraztea ezen, jendaurreko erakustaldian erreklamaziorik aurkezten ez bada, hasierako onespinen erabakia behin betiko onetsizat joko dela, eta jendaurrean jartzeko aldia igarotakoan jarriko dela indarrean.

Erreklamazioak edo alegazioak eginez gero, osoko bilkurak berariazko erabakia hartu beharko du erreklamazio edo alegazio horien ebazpenari eta proposatutako aldaketaren behin betiko onespinari buruz, eta behin betiko testua udal iragarki taulan argitaratu ondoren jarriko da indarrean.

5. 9. POLIGONOKO 420. PARTZELAKO (GARMENDIAUNDIA KARRIKA 8) XEHETASUN-AZTERKETA. BEHIN BETIKO ONESPENA.

Gaia mahai gainean utzi dute.

6. 2021EKO ABENDUAN GERTATUTAKO UHOLDEENGATIK KALTEAK IZAN ZITUEN LAGUN BATEN ZERGA SALBUESPENEN ESKAERA.

Ikusitik:

- Lurralde Kohesiorako kontseilariak abenduaren 30ean emandako 81/2021 foru aginduaren bidez onetsi zela 2021eko abenduan Nafarroako Foru Komunitatean gertatutako ohiz kanpoko eurite eta uholdeek ukitutako udalerrien zerrenda, eta zehaztu zirela kalte horiek ukitutako pertsona fisiko eta juridikoek izan ditzaketen zerga salbuespenak eta horiek aplikatu dituzten udalerriei eman beharreko konpentsazioak.

- Aipatutako foru aginduak 8. puntuan ezartzen duela 2022ko martxoaren 13a izango dela salbuespenak eskatzeko azken eguna (bi hilabete, agindua Nafarroako Aldizkari Ofizialean argitaratzen denetik aitzina).

- XXXk zerga salbuespenen eskaera aurkeztu zuela 2022ko uztailaren 5ean (1818/2022 zenbakia Udaleko Sarrera Erregistroan).

Azaldutakoaren arabera, **aho batez ERABAKI DA:**

1. XXX jaunaren eskabidea ukatzea, epez kanpo aurkeztu zuelako (foru aginduaren 8. puntua).

2. Erabaki hau jakinaraztea interesdunari.

7. XXXK AURKEZTUTAKO BERRAZTERTZEKO ERREKURTSOA 2022KO MAIATZAREN 18KO OSOKO BILKURAKO ERABAKIAREN AURKA.

Ikusirik:

- XXXk, bere izenean eta bere anaia XXX izenean, 2022ko maiatzaren 18ko osoko bilkuraren erabakiaren aurka jarritako aukerako berraztertze errekurtsoa. Erabaki horrek zerga salbuespenak onartu eta ukatu zituzkien 2021eko abenduan gertatutako uholdeengatik kalteak izan zituzten pertsonen. Zehazki, XXX anaien eskaerak ukatu ziren *“Partzuergoaren tasaziorik ez dagoelako eta/edo ondasunak aseguratuta ez daudelako eta kalteen zenbatekoa egiaztatu ez delako (Foru Aginduaren 8. puntua)”*.

- Lurralde Kohesiorako kontseilariak abenduaren 30ean emandako 81/2021 foru aginduaren bidez onetsi zela 2021eko abenduan Nafarroako Foru Komunitatean gertatutako ohiz kanpoko eurite eta uholdeek ukitutako udalerrien zerrenda, eta zehaztu zirela kalte horiek ukitutako pertsona fisiko eta juridikoek izan ditzaketen zerga salbuespenak eta horiek aplikatu dituzten udalerriei eman beharreko konpentsazioak.

- Errekurritutako erabakian deskribatutako aurrekariak, transkribatutzat jotzen direnak.

- Errekurtsogileak osoko bilkuraren erabakia berrikusteko eskatu zuela bere idazkian, eta Aseguruen Konpentsazio Partzuergoarekin adiskidetasunezko akordioa formalizatze dokumentuaren fotokopia erantsi zuen, kalte-ordainaren proposamena barne. Eskaera hori berraztertze errekurtsotzat hartu da.

Kontuan hartuta:

- Errekurtsoa garaiz eta behar bezala aurkeztu zela, Administrazio Publikoen

Administrazio Prozedura Erkidearen 39/2015 Legearen 123. eta 124. artikuluetan aurreikusitakoaren arabera.

- Udal idazkariak 2022ko uztailaren 14an egindako txosten juridikoa, zeinak ondorioztatzen baitu bidezkoa dela XXXk aurkeztutako berraztertze errekurtsoa baiestea, eta XXX eta XXX anaiei ere aplikatzea, bertan adierazten diren oinarri juridikoengatik, zeinak transkribatutzat jo eta onartzen baitira (Aseguruen Konpentsazio Partzuergoak bere garaian bidali zuen informazioa okerra zen, XXX senidei kalte-ordaina eman baitzitzaien jasandako kalteengatik, nahiz eta kalte-ordain hori tasazioa baino txikiagoa izan).

- Aipatutako 81/2021 Foru Aginduaren 7. puntuak honako hau diola: *“7. Laguntza hauek izenpetuak dauden aseguru polizetako konpentsazioen osagarriak eta ordezkioak dira, ordena horretan, baita Estatuaren edo Europar Batasunaren esparruan egon daitezkeen beste laguntza batzuen osagarri eta ordezkioak ere.*

Kontzeptu horiengatik jasotakoa ez da inoiz izanen eragindako kalteen guztirako zenbatekoa baino handiagoa.:

- 39/2015 Legearen 118. artikuluan aurreikusitakoaren arabera, ez dela beharrezkoa espedientearen interesdunei jakinaraztea, ez baita dokumentu berririk sartu.

Azaldutakoan oinarriturik, eta kontuan izanda 39/2015 Legeko 119. eta 88.6. artikuluek xedatzen dutena, baita aipatutako txosten juridikoaren arrazoiak ere, haren edukiak osatzen baitu erabaki honen arrazoitzea,

aho batez ERABAKI DA:

1. Baiestea XXXk 2022ko maiatzaren 18ko osoko bilkuraren erabakiaren aurka jarritako berraztertze errekurtsoa, aipatutako 2022ko uztailaren 14ko txosten juridikoan azaldutako arrazoiengatik.

Ondorioz, zerga salbuespen hauek onartzen dira:

IFZ	ID. FINKA	ERREZIBOAK	KUOTA OSOA	SALBUESPENA
xxx1930xx	Pol. 9 / Parc. 184	CONTRIB. 2021/001/5473	257,09	39,07
xxx1930xx	Pol. 9 / Parc. 184	CONTRIB. 2021/001/5475 (*)	257,09 (*)	39,07 (*)
xxx7537xx	Pol. 9 / Parc. 184	CONTRIB. 2021/001/5472 (*)	257,09 (*)	39,07 (*)

(*) ikurrarekin markatutako ordainagiriak ordaindu gabe daude, betearazpen-bidean. Beraz, nahiz eta zerga salbuespena hirurei aplikatzen zaien, ordaindutako zenbatekoa lehenengoari baino ez zaio itzuliko, eta beste 2en kasuan, betearazpen-bidean ordaintzeko dagoen zenbatekoa murriztuko da.

2. Onartutako salbuespen horiek sartzea jaso ez diren zerga-sarrerak konpentsatzeko Nafarroako Gobernuari eginen zaion eskaeran.

3. Erabaki hau jakinaraztea interesdunei, txosten juridikoaren kopiarekin batera.

8. XXXK ETA XXXK AURKEZTUTAKO BERRAZTERTZEKO ERREKURTSOAK 2022KO MAIATZAREN 18KO OSOKO BILKURAKO ERABAKIAREN AURKA.

Ikusirik:

- XXXk eta XXXk 2022ko maiatzaren 18ko osoko bilkuraren erabakiaren aurka jarritako aukerako berraztertze errekurtsuak. Erabaki horrek zerga salbuespenak onartu eta ukatu zizkien 2021eko abenduan gertatutako uholdeengatik kalteak izan zituzten pertsonen. Zehazki, XXX jaun-andrearen eskaerak ukatu ziren *“Aseguruen Konpentsazio Partzuergoak kalteen tasazioaren %100 ordaindu duelako (Foru Aginduaren 7. puntua)”*.

- Lurralde Kohesiorako kontseilariak abenduaren 30ean emandako 81/2021 foru aginduaren bidez onetsi zela 2021eko abenduan Nafarroako Foru Komunitatean gertatutako ohiz kanpoko eurite eta uholdeek ukitutako udalerrien zerrenda, eta zehaztu zirela kalte horiek ukitutako pertsona fisiko eta juridikoek izan ditzaketan zerga salbuespenak eta horiek aplikatu dituzten udalerriei eman beharreko konpentsazioak.

- Errekurritutako erabakian deskribatutako aurrekariak, transkribatutzat jotzen direnak.

- Eduki bera duten idazkietan, errekurtsogileek osoko bilkuraren erabakia balio gabetzeko eskatu zutela, Aseguruen Konpentsazio Partzuergoak ez dituelako guztiz bete kalteak konpontzeko eta berriz jartzeko beharrak, ez banakako mailan, ez eta jabeen erkidegokoan ere.

Kontuan hartuta:

- Errekurtsuak garaiz eta behar bezala aurkeztu zirela, Administrazio Publikoen Administrazio Prozedura Erkidearen 39/2015 Legearen 123. eta 124. artikuluetan aurreikusitakoaren arabera.

- Bidezkoa dela bi errekurtsuak metatzea, 39/2015 Legearen 57. artikuluko inguruabarrak gertatzen baitira.

- Udal idazkariak 2022ko uztailaren 14an egindako txosten juridikoa, zeinak ondorioztatzen baitu bidezkoa dela XXX jaun-andreak jarritako berraztertze errekurtsuak ezesteko erabakia hartzea, bertan adierazten diren oinarri juridikoengatik, zeinak transkribatutzat jo eta onartzen baitira (Aseguruen Konpentsazio Partzuergoak hasierako txostena berretsi du, hau da, ordaindutako kalte-ordainak kalteen tasazio osoa estali zuen; beraz, ez dago eskatutako zerga salbuespenerako eskubiderik, jasotako diru-kopuruek ezin baitute gainditu jasandako kalteen guztizko zenbatekoa).

- Aipatutako 81/2021 Foru Aginduaren 7. puntuak honako hau diola: *“7. Laguntza hauek izenpetuak dauden aseguru polizetako konpentsazioen osagarriak eta ordezkioak dira, ordena horretan, baita Estatuaren edo Europar Batasunaren esparruan egon daitezkeen beste laguntza batzuen osagarri eta ordezkioak ere.*

Kontzeptu horiengatik jasotakoa ez da inoiz izanen eragindako kalteen guztirako zenbatekoa baino handiagoa. :

- 39/2015 Legearen 118. artikuluan aurreikusitakoaren arabera, ez dela beharrezkoa espedientea interesdunei jakinaraztea, ez baita dokumentu berririk sartu.

Azaldutakoan oinarriturik, eta kontuan izanda 39/2015 Legeko 57., 119. eta 88.6. artikuluek xedatzen dutena, baita aipatutako txosten juridikoaren arrazoiak ere, haren edukiak osatzen baitu erabaki honen arrazoitzea,

aho batez ERABAKI DA:

1. XXX eta XXXk 2022ko maiatzaren 18ko osoko bilkuraren erabakiaren aurka jarritako errekurtsuak metatzea.
2. Bi errekurtsuak ezestea aipatutako 2022ko uztailaren 14ko txosten juridikoan azaldutako arrazoiengatik.
3. Erabaki hau jakinaraztea interesdunei, txosten juridikoaren kopiarekin batera.

9. XXXK AURKEZTUTAKO BERRAZTERTZEKO ERREKURTSOA 2022KO MAIATZAREN 18KO OSOKO BILKURAKO ERABAKIAREN AURKA.

Ikusirik:

- XXXk 2022ko maiatzaren 18ko osoko bilkuraren erabakiaren aurka jarritako aukerako berraztertze errekurtsua. Erabaki horrek zerga salbuespenak onartu eta ukatu zizkien 2021eko abenduan gertatutako uholdeengatik kalteak izan zituzten pertsonei. Zehazki, errekurtsogilearen eskaera ukatu zen *“Partzuergoaren tasaziorik ez dagoelako eta/edo ondasunak aseguratuta ez daudelako eta kalteen zenbatekoa egiaztatu ez delako (Foru Aginduaren 8. puntua)”*.

- Lurralde Kohesiorako kontseilariak abenduaren 30ean emandako 81/2021 foru aginduaren bidez onetsi zela 2021eko abenduan Nafarroako Foru Komunitatean gertatutako ohiz kanpoko eurite eta uholdeek ukitutako udalerrien zerrenda, eta zehaztu zirela kalte horiek ukitutako pertsona fisiko eta juridikoek izan ditzaketen zerga salbuespenak eta horiek aplikatu dituzten udalerriei eman beharreko konpentsazioak.

- Errekurritutako erabakian deskribatutako aurrekariak, transkribatutzat jotzen direnak.

- Errekurtsogileak bere idazkian eskatu zuela ukatzeko arrazoiak adieraztea eta salbuespen eskaera baiestea, inolako dokumenturik aurkeztu gabe. Eskaera hori berraztertze errekurtsotzat hartu da.

Kontuan hartuta:

- Errekurtsua garaiz eta behar bezala aurkeztu zela, Administrazio Publikoen Administrazio Prozedura Erkidearen 39/2015 Legearen 123. eta 124. artikuluetan aurreikusitakoaren arabera.

- Udal idazkariak 2022ko uztailaren 15ean egindako txosten juridikoa, zeinak ondorioztatzen baitu bidezkoa dela XXX jarritako berraztertze errekurtsoa ezesteko erabakia hartzea, bertan adierazten diren oinarri juridikoengatik, zeinak transkribatutzat jo eta onartzen baitira (Partzuergoak jakinarazi zuen kalteen tasazioa 0 eurokoa izan zela, eta eskatzaileak ez zituen justifikatu aseguru gabeko ondasunen gaineko kalteak, fakturekin edo teknikari kualifikatuaren txostenarekin; beraz, interesdunak ez du eskatutako zerga salbuespena jasotzeko eskubiderik. Hori izan zen ukatzeko arrazoa, eta halaxe jaso zen errekurritutako osoko bilkuraren erabakian, zeina Zuzenbidearekin bat baitator errekurtsogileari dagokionez).

- Aipatutako 81/2021 Foru Aginduaren 7. puntuak honako hau diola: “7. *Laguntza hauek izenpetuak dauden aseguru polizetako konpentsazioen osagarriak eta ordezkioak dira, ordena horretan, baita Estatuaren edo Europar Batasunaren esparruan egon daitezkeen beste laguntza batzuen osagarri eta ordezkioak ere.*

Kontzeptu horiengatik jasotakoa ez da inoiz izanen eragindako kalteen guztirako zenbatekoa baino handiagoa. .

- 39/2015 Legearen 118. artikuluan aurreikusitakoaren arabera, ez dela beharrezkoa espedientea interesdunari jakinaraztea, ez baita dokumentu berririk sartu.

Azaldutakoan oinarriturik, eta kontuan izanda 39/2015 Legeko 119. eta 88.6. artikuluek xedatzen dutena, baita aipatutako txosten juridikoaren arrazoiak ere, haren edukiak osatzen baitu erabaki honen arrazoitzea,

aho batez ERABAKI DA:

1. Ezestea XXXk 2022ko maiatzaren 18ko osoko bilkuraren erabakiaren aurka jarritako errekurtsoa, aipatutako 2022ko uztailaren 15eko txosten juridikoan azaldutako arrazoiengatik.

2. Erabaki hau jakinaraztea interesdunari, txosten juridikoaren kopiarekin batera.

10. KLIMARAKO ETA ENERGIA JASANGARRIRAKO EKINTZA PLANA (PACES).

Berako Udalak, 2019ko otsailaren 13ko osoko bilkuran hartutako erabakian, “Klima eta Energiari buruzko alkateen ituna” ekimenarekin bat egin zuen.

Ekimen horren bidez, tokiko gobernuek berotegi efektuko gasak murrizteko helburuekin bat egiten dute, eta klima aldaketa eta pobrezia energetikoa arintzeko ikuspegi komuna hartzen dute. Konpromisoa honetan datza:

1) Berotegi efektuko gasen emisioak %40 gutxienez murriztea hemendik 2030era, bereziki energia eraginkortasuna hobetuz eta energia iturri berriztagarriak gehiago erabiliz.

2) Erresilientzia handitzea, klima aldaketaren ondorioetara egokitzuz.

Klima eta Energia Jasangarrirako Plana (KEJEP) beste udalerrri batzuekin batera egiteko, udal honek lankidetzaren hitzarmena sinatu zuen Bidasoako Klima eta Energia

Jasangarriaren aldeko Ekintza Plan bateratua egiteko.

Hitzarmen horretan hartutako konpromisoen arabera, NASUVINSA-Lursareak lan teknikoak eta herritarren parte-hartzea zuzendu ditu, udalekin eta tokiko ekintza taldeekin koordinatuta.

Emitza eskuragarri dagoen dokumentazioan jasota dago; sintetikoki biltzen ditu: diagnostiko bat, ekintza plan bat eta monitorizazio eta ebaluazio sistema bat. Gainera, honako hauei buruzko eranskinak ditu: finantzaketa iturriak, 2005eko kontsumoen eta isurien inbentarioa, 2019ko kontsumoen eta isurien inbentarioa, 2019ko udal kontsumoen txostena, kalteberatasun eta arrisku fitxak, eta bestelako dokumentazio teknikoa.

Ekintza planak 8 jarduera ildo ditu: ekintza klimatikoa administratibotik; eraginkortasun energetikoa eta energia berriztagarria; mugikortasun iraunkorra eta zero emisio; klima aldaketari egokitutako hirigintza; hondakinak prebenitzea eta kudeatzea eta ekonomia zirkularra bultzatzea; ingurune naturala, nekazaritza, abeltzaintza eta basogintza; uraren kudeaketa integrala; klima aldaketarekin lotutako gaixotasunak eta osasunaren gaineko ondorioak prebenitzea.

Jarduera ildo bakoitzak ekintza batzuk eta ekintza bakoitzaren deskripzio fitxa bat biltzen ditu.

Udal honentzat aukera da plan zehatz hau izatea, Nafarroako Gobernuaren LIFE-IP NAdapta-CC proiektuak %100ean finantzatua.

Alkateak azaldu du Bidasoako Klima eta Energia Jasangarrirako Plana (KEJEP) onartu behar duela gaur udalbatzak. Plan horrek, hain zuzen ere, datozen urteetan ezarri beharreko udal ekintza klimatikorako ibilbide orria ezartzen du.

Gaia eztabaidatu ondoren,

aho batez ERABAKI DA:

1. Bidasoako Klima eta Energia Jasangarrirako Ekintza Plana (KEJEP) onartzea.
2. Erabaki hau helaraztea Navarra de Suelo y Vivienda SA enpresari.

11. JAI GUNEETAN GERTATZEN DIREN ERASO SEXISTEN KONTRA JARDUTEKO PROTOKOLO INSTITUZIONALA.

Alkateak azaldu du 2019. urtean, Bortzirietako Gizarte Zerbitzuen eskutik, jai guneetan gertatzen diren eraso sexisten kontra jarduteko protokolo instituzionala erredaktatu zela, baino oraindik ez dela udaletako osoko bilkuretan onartu.

Berdintasun Zerbitzua 2022ko martxoaren 8an martxan jarri zen, eta ez da aukerarik egon protokoloa udal bakoitzarekin landu eta onartzeko, lanketa prozesu horrek denbora eskatzen baitu. Hori dela eta, 2019. urteko protokoloan oinarriturik, 2022. urteko udako bestetan jarraitzeko protokoloaren egokitzapen sinpleago bat egin da Berdintasun

Zerbitzuan, eraso sexista baten berri izanez gero, udalek jarduteko irizpide ofizial batzuk izateko.

Gaia eztabaidatu ondoren,

aho batez ERABAKI DA:

1. 2022ko bestetan eraso sexisten kontra jarraitzeko protokolo instituzionala onartzea.
2. Erabaki hau helaraztea Bortzirietako Berdintasun Zerbitzuari.

12. ADIERAZPENA BERAKO BESTEN HARIRA, ERASO SEXISTEN AURKA ETA BERDINTASUNEAN OINARRITUTAKO BESTEN ALDE.

Berako Udalak deialdi berezia egiten du 2022ko herriko bestak berdintasunean bizi eta goza daitezen. EZETZA beti EZETZ dela azpimarratuz, herritar guztiek bestez berdintasunean gozatzeko aukera izan dezaten.

Honako hau ERABAKI DA **aho batez:**

1. Besta eremuan ere berdintasunean oinarritutako harremanen aldeko apustua egitea, drogek eta besta giroak inolako erasorik eta errespeturik gabeko traturik justifikatzen ez dutela argi utziz.
2. Besta gune guztiak herritar guztientzat seguruak izatearen aldeko apustua egitea.
3. Herritar guztiei inplikazioa eskatzea, eraso edo jarrera sexista batean aurrean modu aktiboan jarduteko.
4. Emakumeen aurka gerta daitekeen edozein eraso edo jarrera sexista oro gaitzestea.

13. MOZIOA MELILLAKO HESIAREN INGURUAN 2022KO EKAINAREN 24TIK 25EKO GOIZALDEAN GERTATUTAKO SARRASKIA SALATZEKO.

Alkateak aurkeztu ondoren, **aho batez ONETSI DA** mozio hau:

Ekainaren 24tik 25erako goizaldean Melillako hesiaren inguruan sarraski bat gertatu zen. Behin behineko balantzearen arabera, 37 pertsona hil dira eta askoz gehiago larriki zaurituak izan dira.

Gertaera larri hauek Espainiako gobernuaren migrazio politiken porrotaren adierazpen tragikoa dira. Andaluziako Giza Eskubideen Aldeko Elkartearen (APDHA) “2021eko Hegoaldeko Mugako Fluxu-Migratorioaren Balantzea”k berriki emandako datuen arabera, gutxienez 2.126 pertsona hil dira Espainiako Estaturako migrazio-ibilbidean, aurreko urtean baino % 24 gehiago. Hala ere, desagertutako pertsonen kopurua askoz ere handiagoa dela adierazi du erakundeak.

Horrekin batera, ezin dugu alde batera utzi Melillako gertaeren ondoren Espainiako Gobernuak presidentek adierazitako immigrazioaren aurkako diskurtsoa erradikalizatu

egin dela. Bere adierazpenetan, mugaren bi aldeetako polizia-jarduera hilgarriak justifikatzeaz gain, poliziaren lana ezinbestekotzat jotzen da migratzaileek erabiltzen duten indarkeriaren aurrean Estatuaren segurtasunerako, haien jarduera “ondo ebatzitako operaziotzat” jotzen baita.

PSOEk hamarkadak daramatza giza eskubideen aurkako migrazio-politika errepresiboak aplikatzen: atzeritarrei buruzko Legea, CIESak, hegoaldeko mugaren militarizazioa armada bidalita, “lotsaren” zuzentaraua, “beroan” egindako kanporaketak, mugen kudeaketa kanpora ateratzeko Marokorekin sinatutako akordioak, hirugarren herrialdeetako migratzaileak Marokon berriz hartzeko akordioak, Ceuta eta Melillako hesiak, kontzertinak, migratzaileen heriotzak poliziaren eskuetara, adingabeen legez kanpoko kanporaketak...

Horri lotuta, Maroko Espainiaren eta EBren lehentasunezko bazkidea da migrazio-fluxuen kontrolari dagokionez; eta lankidetzaz horrek itsas patruilatze bateratua eta migratzaileen detekzioa eta interzeptazioa gauzatzea suposatzen du.

Migrazioa kontrolatzeko praktikak Marokoko lurralde osoan aplikatzen dira, eta batez ere Saharaz hegoaldeko Afrikako hainbat herrialdeetatik datozen pertsonak atxilotzen dira, herrialdearen barrualdera modu behartuan lekualdatzeko edota jatorrizko herrialdeetara deportatzeko. Jarduera hori gauzatzeko, atxilotze-zentro ez-ofizialak erabiltzen dira, hala nola bunkerrak, eraikin abandonatuak, polizia-etxeetako zorupeak edo eskolak, non azkenean lekualdatuak edo deportatuak izango diren pertsonak atxikitzen diren; izan ere, migratzaileen eskubideen aldeko kolektiboek salatu dutenez, pertsona horiek ez daude prestatuta askatasunaz gabetzeko, eta, beraz, haien baldintzak osasungaitzak eta gaitzesgarriak dira, eta, gainera, tortura fisikoa eta psikologikoa egiten da horietan.

Azkenik, adierazi behar dugu heriotza horien erantzukizuna mugak ixteko migrazio-politika krudel eta anker batzuei dagokiela. Politika horiek ez dira eraginkorrak immigrazioa kontrolatzeko helbururako, eta, gainera, sufrimendu handia eta giza eskubideak etengabe urratzen dituzte. Politika horien bidez, Espainiako Estatuak bere lurralde-osotasuna lehenesten du, migratzaileek askatasunez igarotzeko eta harrera duina eta integrala jasotzeko duten eskubidearen aurrean. Argudio hori erabiltzen du, halaber, Irun eta Hendaia arteko mugan korridore humanitarioak irekitzea ukatzeko, Bidasoa ibaiko tragediak saihestu, eta, horrela, mugak pertsonen aurretik jartzeko.

Guzti hori dela eta, Berako Udalak ERABAKI DU:

1. Ekainaren 24tik 25erako goizaldean Melillako hesiaren inguruan gertatutako sarraskian poliziak izandako basakeria salatzea (behin-behineko balantzean, 37 dira hildakoak eta askoz ere larri zaurituak); eta elkartasuna adieraztea hildako eta zauritutako pertsonen, haien lagunei eta hurbilekoei.
2. Gertakari larri hauetan Estatuto segurtasun indarren partehartzea salatu.
3. Mugak militarizatzearen eta kudeaketa kanpora ateratzearen inguruan egun aplikatzen diren migrazio-politikak salatzea.

4. Pertsona migrante guztien duintasuna eta giza eskubideen errespetua bermatuko dituen legezko bide seguruak irekitzea exijitzea.

5. Ikerketa independente bat egiteko eskaera luzatzea, gertakariak argitu eta dagozkion neurriak ezartzeko.

6. Hildako pertsonen gorpuzkiak berreskuratu, identifikatu eta jatorrizko herrialdeetara aberriratzea exijitzea, familien nahiak errespetatuz.

14. BANDOAK ETA ALKATETZAREN EBAZPENAK.

Honako bando eta Alkatezaren ebazpen hauen jakinaren gainean geratu dira:

- Bandoak: B18/2022 zenbakiduna.

- Ebazpenak: 157/2022 zenbakiko ebazpenetik (2022-06-13) 177/2022 zenbakiko ebazpenera arte (2022-07-13).

Gai zerrendatik kanpo, presazkoa dela aho batez aitortu ostean, legeak eskatutako gehiengo osoa betea izanik, honako gai hauek eztabaidatu dira:

16. 2022/14 ZENBAKIKO AURREKONTU-ALDAKETA: APARTEKO KREDITUA (HAURTZAINDEGIKO OBRAK). HASIERAKO ONESPENA.

Alkateak espedientea eta idazkariak prozedura azaldu ondoren, erabaki hau hartu da:

Ikusirik:

- Udalak zenbait gastu egin behar dituela, baina indarrean dagoen aurrekontuan ez dagoela gastu horietarako krediturik.

- Udal kontu-hartzaileak 2022ko uztailaren 19an egindako txostenak adierazten duela aurrekontua aldatzeko espedientea izapidetu behar dela, aparteko kreditua, gastu-partida honetarako:

1-3231-622200. Haurtzaindegiko obrak. 5.000,00 €.

Zenbatekoa, guztira: 5.000,00 €.

- Txosten horretan proposatzen dela gastu orokorretarako diruzaintzako gerakina den 1-87000 partidaren kargura finantzatzea, 5.000,00 euroko zenbatekoan.

Nafarroako Toki Ogasunei buruzko 2/1995 Foru Legearen 202., 213. eta 214. artikuluei eta indarrean dagoen Aurrekontuko 9. Exekuzio Oinarriari jarraikiz,

aho batez ERABAKI DA:

1. Hasierako onespena ematea 2022/14 zenbakia duen aipatu aurrekontu-aldaketari (aparteko kredituak).

2. Jendurrean jartzea espedientea 15 eguneko aldi, udal iragarki taulan iragarrita,

nahi duenak aztertu eta erreklamazioak aurkez ditzan.

3. Ohartaraztea ezen, jendaurreko erakustaldian erreklamaziorik aurkezten ez bada, hasierako onespeneraren erabakia behin betiko onetsizat joko dela, eta jendaurrean jartzeko aldia igarotakoan jarriko dela indarrean.

Erreklamazioak edo alegazioak eginez gero, osoko bilkurak berariazko erabakia hartu beharko du erreklamazio edo alegazio horien ebazpenari eta proposatutako aldaketaren behin betiko onespenerari buruz, eta behin betiko testua udal iragarki taulan argitaratu ondoren jarriko da indarrean.

17. MUGAZ GAINDIKO LANKIDETZARAKO DIAGPASTO MIKROPROIEKTUA.

Alkateak proiektua aurkeztu du.

Hego Euskal Herriko mendiko udalerriek (Biriatu, Urruña, Ziburu, Azkaine, Sara, Senpere eta Ainhoa) eta Nafarroakoak (Bera, Etxalar, Zugarramurdi, Urdazubi, Baztan) lantalde bat sortu dute 2021az geroztik, «Gure mendia» izenekoa. Eremu horretako mugako mendiguneeen kudeaketari eta garapeneri buruzko elkartrukerako eta prospektibarako espazio komun bat garatu nahi du, artzaintza, basoa, erabilera anitzak, biodibertsitatea eta ondarea bezalako gaitan.

Udalerriek, gune horren kudeatzaile nagusiak, mugaren bi aldeetan testuinguru menditsu komuna dute. Ingurune aberatsa du, natura giro askotarikoa, eta artzaintza eta turismo jardueretan oinarritutako mendiko ekonomia. Gune komun hori aldaketak izaten ari da nekazaritza praktika tradizionaletan (nekazaritza eta artzaintza jarduerak/basoak). Halaber, mugaz gaindiko trukeek markatutako bizi-lurraldea da. Mendigune horiek irisgarriak dira, eta aire zabaleko jarduerak egiten dituztenek askotan erabiltzen dituzte; horrek arazo errepikatuak sortzen ditu bizikidetzan, lurralde presioa eta bisitak. Horrek lurraldea garatzeko eta fluxuak kudeatzeko erronka azpimarratzen du.

Gure Mendiako kideek artzaintza jardueren inguruan garatu beharreko gaia eta ekintza hauek partekatzen dituzte:

- Artzaintza zaintzea inguruneak irekitzeko eta biodibertsitatea mantentzeko.
- Artzaintza jardunbideak bultzatzea mendiguneei eusteko eta sute arriskua murrizteko; hala nola txangozaleentzako babeslekuak ematea larrialdi egoera batean.
- Udako larreetan azientzaren presentzia bultzatzeko beharrezkoa den artzaintza ekipamendua sortzea.
- Atsegin hartzeko erabiltzaileen fluxutik kanpoko artzaintza eremuak identifikatzea.
- Beharrezkoak diren tresna gehigarriak mantentzea: erretzeak, etab.
- Udalerrien mugetatik haratago lotzen dituzten aurpegiak, elkarteak eta konbentzioak berritzea.
- Artzaintzak mendia aprobetxatzeko ekimenak bultzatzea, lurraldearen baliabide ekonomiko eta bere bizitzaren berme gisa. Mendietako urte osoko jarduerak giza presentzia etengabea ziurtatzen dute herrietan.

Pirinioetako Lan Elkartek (PLE) abiarazitako mugaz gaindiko lankidetzarako

mikroproiektuen deialdiari erantzunez aurkeztutako DIAGPASTO proiektuak artzaintza diagnostiko bat eraikitzeke lehen urratsa aurreikusten du, honako hauek barne hartzen dituena:

- Lurraldearen inbentario orokorra (deskribapena, gaiak, arazoak).
- Mendietako artzain transhumanteei buruzko inkestak (erabilera, beharrak, etab.), artzaintza erabileraren mailak eta motak ezaugarritzeko.
- Tokiko artzain taldeari buruzko datu kartografikoen hasierako bilduma, eta mendiak erabiltzen dituzten baliabideei buruzko inkestak (basozainak, ehiztariak, aisialdiko jarduerak).

Proiektu horren esparruan, Urruña, Azkaine, Baztan, Bera, Biriatu, Ziburu, Senpere eta Sarako udalerriek hiru ekintza identifikatu eta aurrekontua egin dute:

- 1. ekintza, komunikazioa, 800,00 eurokoa.
- 2. ekintza, diagnostikoa egitea, 23.200,00 eurokoa.
- 3. ekintza, diagnostikoak trukatzeko ekitaldi bat antolatzea, 1000,00 eurokoa.

2022-06-16ko PLEren ofizioaren bidez, DIAGPASTO proiektuak 25.000,00 euroko dirulaguntza lortu zuen, proiektuan aurreikusitako gastuen %100.

Erosketen arrazionalizazioaren esparruan, eskalako ekonomiak ahalbidetzeko eta eraginkortasuna handitzeko, kontratazio publikoko arauak eskaerak multzokatzeko aukera eskaintzen diete kontratazio organoei. Horretarako, prozesu honetan izena eman nahi duten alderdien arteko akordio eratzailerak formalizatu behar da.

Azken horrek, alde bakoitzak sinatuta, balio izango du: taldearen funtzionamendu metodoak definitzeko; taldearen koordinatzailea izendatzeko.

Alderdiek, arlo horretan behar komunak izanik, bat egin dute akordioan aginduen multzo bat sortzea adosteko eta azken horren funtzionamendu modalitateak definitzeko, Ordena Publikoaren Frantziako Kodean xedatutakoaren arabera (L 2 113-6 artikulutik L 2 113-8 artikulura).

Lankidetzaren baldintzak formalizatzeko, baita DIAGPASTO proiektuko kide bakoitzaren betebeharrak eta erantzukizunak ere, elkartearen baldintzak formalizatzea proposatzen da, honako hauen bidez:

- Elkartze-akordioa, 8 bazkideetako bakoitzaren eginkizunak, misioak eta finantza laguntza ezartzeko eta Urruñako udalerriari liderraren papera emateko.
- Aginte-talde bat, esleipen komun bat abiarazteko, proiektuaren arduradunak zuzenduta, artzaintza diagnostikoa egiteko.

Gaia eztabaidatu ondoren, **aho batez ERABAKI DA:**

1. Onartzea 8 bazkideen arteko elkartze-akordioaren baldintzak eta baimena ematea alkateari akordioa sinatzeko.

2. Onartzea 8 bazkideen arteko aginte-taldearen baldintzak eta hura sinatzeko baimena ematea alkateari.

3. Onartzea proiektuko arduradunaren kargua Urruñako udalerriri ematea, eta Urruñako alkateari baimena ematea, ordezkari gisa, DIAGPASTO espedienteari buruzko administrazio agiriak sinatzeko.

15. ESKAERAK ETA GALDERAK. BESTE UDAL ORGANOEEN KONTROLA.

Ez dira izan.

Beste aztergairik izan gabe, 20:50ak direnean, alkateak bilera bukatutzat eman du, eta nik, neronek, idazkaria naizenez, ziurtatzen dut.

O.E. ALKATEA,
Aitor Elexpuru Egaña.

IDAZKARIA,
Miguel J. Belarra Tellechea.